



Inatsisartuni ilaasortaq,
Mala Høy Kúko, Siumut
-/MAANI

§ 37 naaportorlugu apeqquteqaammut nr. 134/2021 tunngasumut akissut

Asasara Mala Høy Kúko,

Tunumi pisanik nakkutilliineq pillugu Inatsisartut suleriaasianni § 37, imm. 1 naaportorlugu Naalakkersuisunut apeqquteqarputit. Apeqqut uannit akisussanngortinneqarpoq.

1. Naalakkersuisut Tunumi nakkutilliisumik angallammik pilersitsiniarnerut paaserusunneqarpoq

Akissut: Kalaallit Nunaanni Aalisarsinnaanermut Akuersissutinik Nakkutilliisoqarfimmut nakkutilliinermi angallatit pigineqareersut pillugit nutarterisinaanissamut arlalinnik isumaliuteqartoqarpoq.


Aqutsinermi- aamma nakkutilliinermi aaqqissuussaanermi nutaami nunallu imikkooortuini Ilulissani, Sisimiuni Nuummilu allaffiit ilanngullugit 2020-mi 2021-milu atuutilersinneqartumi sumiiffinni unioqqutitsinerit annertunerpaamik ajoqusiisinaaneruffianni unioqqutitsisoqariaannaananeramik suleriaaseqarnermik tunngavigalugu nakkutilliineq aaqqissuunneqarpoq. Ittoqqortoormiini piniarnermut nakkutilliisoqarpoq Tasiilamilu nakkutilliisut Nuummeersut tikittarput. Assersuutigalugu Tasiilamut majimi 2021-mi nakkutilliilluni angalasoqarpoq. Tasunga atugassamik umiatsiaaqqamik attartortoqarsinnaavoq.

Qulaani taaneqartutut piniarnermi nakkutilliineq pillugu Naalakkersuisut aningaasaliissutigineqartunik peqquteqarluni aaqqissuussisariaqarsimapput. Imaassappat Inatsisartut piniarnermi nakkutilliinermik ingerlatsineq allatut aaqqiisuteqarfigineqaqqullugu kissaateqassasut, tamanna aningaasanut inatsisikkut aningaasaliissuteqaqqinnikkut pisariaqartitsissaaq.

Inussiarnersumik inuulluaqqusillunga

06-10-2021
Suliap normua 2021 - 18030
Allakkat nr. 18149678

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl



Aqqaľuaq B. Egede

Aalisarnermut Piniarnermullu Naalakkersuisoq